

Коми Республикаса том войтырлөн газет



ЙОЛОДА

2014
лөддза-
номъя
6-öd
лун

22 №
(1147)



Коми сиктъясö -
зумьöд тöдöмлунла

12-13 л.б.

Тайо НОМЕРЫН

Май 5-öd лунö республикаса юркарын юөртлөмәсь «Ловзьом кывбурьяс» серпасьяслон конкурс. Сийос сйөма Иван Алексеевич Куратовлөн чужомсянь 175 во тырөмлы. Конкурссö котыртөма Сыктывкарса коми культура шөрин да корөма пырöдчыны юркарса велöдчанингьяслы.

6
л.б.

Коми Республикаын Россияса МЧС-лөн медшөр управленийын кывкөрталисны «Что вы знаете о пожарной безопасности?» интернет-викторина. Конкурссö юөртлисны апрельын да сийсны Россияса биысь видзчысян службалөн 365 во тырөмлы.

8
л.б.

Төдöны-ö карса школаясын велöдчысьяс коми кыв? Пыдди пуктöны-ö сийос, а мый вермасны висьтавны коми войтырлөн традиция да культура йылысь? Вөлөмкö, төдöны! Да весиг коми войтырлөн оласног йылысь вермöны унатор висьтавны.

12-13
л.б.

Вежа Трöича лун мöд ногөн - Пятидесятница - пасйöны Ыджыд лун бöрын 50-öd лунö. Таысь и нимыс артмөма. Тайö кадö дзикöдз ловзьö вөр-ва, кузь төв бöрын пансьö выль олөм.

15
л.б.



Гижан комиён? Лок! Виччысям!

Том гижысьяслөн Гожся университет таво кутас уджавны июль 1-7 лунгьясö. Сэтчö веськалөм могысь творческой конкурсыс мунас июнь 10 лунöдз.

Журналистика да художествоа гижöд лабораториясын велöдчысьяс аддзысьясны нималана гижысьяскöд, журналистыяскöд, учёнойяскöд, том коми войтырлөн «МИ» котырын водзмöстчысьяскöд, төдмасысны коми газет-журналас редакцияслөн, «Коми гор» телерадиокомпаниялөн уджөн. Накöд нуодасын вужвойтырлөн историякöд да культуракöд йитчöм ворсөмгьяс, велöдасын компьютерөн уджалөгөн вöдитчыны коми шыпасьясөн.

Ветласны и Сыктыв районса Кебра сиктö, көни лоас коми литературалы подув пуктысь Иван Куратовлөн чужомсянь 175 во тырөмлы сийм гаж.

Кыдзи и воддза воясö, Гожся университетö воласын Перым-Коми кытгысь велöдчысьяс. Сидзкö, коми ныв-зонлөн лоас позянлун пыдисянджык төдмасыны перым-коми, а перымса комины - зыряна кывйён.

Гожся университетын велöдчыны корöны 15-20 арöса том войтырöс, кодгьяс бура сёрнитöны да гижöны комиён, а водзö вылö көсийöны лоны чужан кыв туялысьён, гижысьён либö журналистён.

Конкурс вылö уджгьяс - комиён гижөм кывбур-висьт, очерк-серпас, рецензия, рочысь вуджöдөм - колö ыстыны июнь 10 лунöдз Россияса финн-йöгра культура шөринö. Адресыс: **167000, Сыктывкар, Ленин улица, 73-öd керка.**

Позьö мөдöдны и электронной поштаөн fucult@finnougoria.ru адресö да пасйыны: «Том гижысьяслөн Гожся университет».

Тшöтш колö индыны ним-вич-ов, чужан лун, гортса адрес, телефон номер, а сидзжö и коми кыв велöдысьлысь ним-вич-овсö да телефон номерсö.

Юасьомгьясөн позьö шыödчыны Россияса финн-йöгра культура шөринö, телефон номергьясыс **8 (8212) 24-32-80** да **44-03-40.**

Гожся университетын велöдасын, вердасын-овмөдасын дон босьтгöг. Мынтысьны ковмас сөмын Сыктывкарö мунөм-локтöмысь.

Том гижысьяслысь Гожся университетсö котыртö Россия Федерацияса финн-йöгра культура шөрин. Таын отсалöны сылы Финляндияысь Матиас Кастрен котыр, Комиысь национальной политика, культура да йөзöс велöдан, Перым крайысь Коммулөн моггьяс кузя министерствояс, печать да юөр сетан агентство, республикаса гижысь котыр, «Коми гор» телерадиокомпания.





Гажодчам!

Июнь помын Комиын мунас регионса студентъяслон «Облака» выпускной. Медводдзаысь сійö вöлöма 2013 воын юркарын республикаса стадионн. 5 сюрс выпускник-студент водзын петкöдчисны Dan Balan, DJ Efremov, Freak Show да Euphoria.

Таво «Облака» лоö Степан изэрд вылын, а сідзкö быдöнлы поэяз волыны гажöдчыны.

- Нимкодъ юöртны, мый июнь 28 лунö мöдысь нин Сыктывкарын мунас студентъяслон «Облака» гаж. Кольöм во чужи вель традиция. Тöда, мый и таво буре гажöдчам. Дасьтöма некымын виччысьтöмтор, на йылысь ныв-зон тöдмаласны регыгъя кадöн. Корам став студентсö волыны öтув гажöдчыны. Татшöм выпускной рытыг быдöнлön кольö сёлöмас, - тöдчöдö Коми Республикаса образование министр Владимир Шарков.

Концертис заводитчö 18 часын. Оз коль рытыс модной ди-джейтöг да дискотекатöг.

«Ыбица проаакшн» компаниялön юөр серти



Луза дорса гаж

Луздорын дасьтысьöны «Луза дорса гаж» кежлö. Сійö лоö июнь 14 лунö Абъячойын. Таво медводдзаысь гажыс лоö республикаса тшупöдын.

Гажсö дасьтысьяс серти, Луздор районса олысьяс да гöсьтыяс вермасны аддзыны районслön войвывса да лунвывса ингъясъс гажъяс: «Стрöча лун» - «Трöича» да «Перескачка» - «Петыр видзö пыран лун». Нöшта ворсöдасны, нуöдасны ярманга, выставка, лоö презентация да мастер-класс И.А.Яборов нима краеведческой музейн да В.В.Юхин нима шöр библиотекаын.

Гажöдчыны волас 20 гөгөр котыр. Луздор районса администрацияön вськöддысь Иван Рожичын шуö, «Луза дорса гажсö» пö виччысьö став районс. Торйөн нин нимкодъ, мый öнi сійö республикаса тшупöдын. Сідзкö, гажыс нималö да паськалö.

«Коминформ» серти

Дона ёрт!

Эн вунöд гижöдчыны «Йöлöга» газет вылö локтан во джын кежлö!

Зіля котöртлы пошта вылö да судзöд том войтырлы коми кывъя дзик öти петас. И сэсся быд вежон гортöдзид кутас локны 16 лист бока «Йöлöга», кытысь кутан лыддыны коми томуловлön олöм-вылöм йылысь, тöдмасьны вель кывбур-висьтыясön да нимкодьясьны енбиа войтырön.

Тавося мöд во джын кежлö пошта пыр гижöдчан дон: **296 шайт 88 ур.**

Редакцияын гижöдчан дон: **72 шайт.**



ЧУКÖРТЧЫЛÖМ

Гожся каникул водзын коми том йöзлön «Ми» котыр чукöртчылис Сыктывкарса коми культура шöринын «Chatör» рытпук выlö.


Том йöзлы колö

Гажыс, нимыс кодлön артмöма chatter англия кывсянь да гөгөрвоодсьö - сёрнитны-варовитны, вöли матыс аслас вежöртасыслы. Медводз тöдмасисны «Ми» котырö вьль локтöм томуловкöд. Сэсся видзöдисны организациялön удж серти видеоролик. 10 минута киноын водзмöстчысь ныв-зон петкöдлісны акциягаж нуöдöм, Россияса регионъясö да финн-йöгра странаö велöдчыны-уджавны ветлöм йылысь.

Та бöрын «вужйöдисны» пу. Сылön коръяс выlö пасйисны котырыслön сöвмöм кузя вöзйöмгъяс. Ныв-зон быдсяматорсö гижöмаöсь. Найö көсйöны ветлыны походö, ворсны «Шегйысь», нуöдны коми том йöз пöвстын пусянпöжасян конкурс, садитны аллея, видзöдны коми кино, выльысь нуöдны «Лицей при «Ми» проект районгъясö ветлöмön, «FUROR» да уна мукöдтор.

Котырö вьль локтысьяс висьталісны, колö пö быд тöлысь лэдзны газет, көні тыдалö «Ми» том уловлön олöмыс. Рытсö нуöдысьяс, «Ми» котырын председателбöс вежысьяс Василий Чупров да Евгения Лобанова шуисны, пöртны олөмö тайö мөвпсö ковмас авторгъяслы. Медбöрын юргис ас кывъяс выlö лöсьöдöм ссыланкыв.

Миян корр.



ГАЗ

Гажа коли июньлön медводдза лун Кörtкерöс районса Висер сиктын
- челядьöс доръян лун.

Чолöм, гажа гожöм!

Медводз лун шöр кадын сиктса нывбабаяслön котыр Ростислав Габовкöд нуöдисны «Ура! Каникулы!» ним улын велосипедъясөн панъясьöм. Ордйысисны комын кымын морт. Медчöтгъяс - сöмын на нель арöсайсь - Георгий Липин, Николай Ивашев, Ярослав Михайлов, а медаждыдыс - Михаил Алексеевич Осипов - пенсия вылын, велöдлiс школаын история.

Ордйысьысьяс бöрся волiсны «висьны» тшöтш и сиктса войтыр. Вермысьяслы вичмис грамота, медаль да юмов козин. Сэсся мунiс концерт «В тридевятом царстве, в тридесятом государстве». Танi сылысны 2-öd, 3-öd, 4-öd классысь челядь. Волiсны гаж вылö мойдвыкса геройяс: Карлсон, Шапокляк, Кот Базилио да Лиса Алиса.

Нывкаяс пырöдчисны «Менам муса акань» конкурсö. Тайö: Полина Игушева, Вика Макарова, Маша Габова, Таиса Михайлова да кык чой - Марьяна и Софья Михайловаяс. Аканьяс петкöдлöм кындзи висьталiсны и кывбуръяс.

Нöшта лои вöчöма кывкöртöд нывбабаяс котырön водзвыв юöртöм серпасасян конкурслы. Челядьлы вöли колö серпасасны чуньясөн «Чолöм, гажа гожöм!» ним улö. Быд ичöт ордйысьысьлы вичмис козин. Нöшта Висер сикт овмöдчанiнön веськöдлысь Анна Андреевна Попова чолöмалiс атгьöалана гижöдön медводзмöстчысь челядьöс. Тайö 3 класс помалысь Рома Габов да первой класса нывкаяс: Вика Макарова да Маша Габова. Медбöрын ставөн гажöдчисны да ворысны челядьлы дискотека вылын. Концерт бöрын нывбабаяслön сöвет нуöдiс дзоридзяс вузалан быдвося ярманга. Ас нимсянь висьтала ыджыд атгьö висерсалы ярманга вылын зiля нöбасьöмысь, öд бара на лои сьöмтор челядьлы козиньяс да грамотаяс вылö.

Оксана ПИНЯГИНА



ВЫСТАВКА

Май 5-öd лунö республикаса юркарын юөртлөмаось «Ловзьём кывбуръяс» серпасъяслөн конкурс йылысь. Сійос сиöма Иван Алексеевич Куратовлөн чужомсянь 175 во тырöмлы. Конкурссö котыртöма Сыктывкарса коми культура шöрин да корöма пырöдчыны юркарса велöдчанинъяслы.

ЛОВЗЬЁМ КЫВБУРЪЯС

50 сайö удж воöма карса школа-гимназияысь. Водзмöстчöмаось тшöтш и Кöрткерöс районса Одыб сиктысь велöдчысьяс. Сиктса челядлөн 20 сайö удж мичмöдö коми культура шöринлысь жыр.

Том художникъяслөн да поэзия радейтысьяслөн творчество сиöма коми литература подув пуктысь Иван Алексеевич Куратовлы. Челядь серпасалöмаось поэтысь портрет удж сайын, Муза корсигöн, Куратов сикт кузя ветлгöн, а сідзжö «ловзьöдö-


маось» сылысь кывбуръяссö. Медъяна нималöны Иван Куратовлөн «Пыж», «Закар ордын», «Шыр да Гадь» гижöдъяс.

Май 29 лунö конкурслы кывкөртöд вöчигөн нöшта вoссöма «Ловзьём кывбуръяс» выставка. Ныв-зонлысь удж поэбö видзöдлыны июнь 11 лунöдз. Тэр-масьй!

Сыктывкарса коми культура шöринлөн юөр серти




«Ситым пöль» (Слепöй старик)
Барабанова Кристина, 14 лет
Руководитель: Иванова Татьяна Леонидовна
Гичева Екатерина Михайловна



«Петр в рывном скеле»
Дмитриенко Иван, 9 лет
Руководитель: Дюбринова Наталья Владимировна



«Портрет И.А. Куратова»
Гаркушев Павел, 11 лет
Руководитель: Валентина Степановна



«И.А. Куратов за работой»
Попов Александр, 10 лет
Руководитель: Красильникова Любовь Анатольевна



Коми Республикаса вужвойтырлөн шылада-драмаа театр помалис 22-öd театральнõй сезон «Макар Васька - сиктса зон» спектакльон, кодõс видзõдысь аддзис 100-õдысь да пасйис спектакль пуктõмсянь 10 во.

Макар Васька - 100-ысь!

Театрса артист Александр Ветошкин ворсõ медшõр роль - Макар Васькаõс. Сийõ гижõма комедия дорõ реп да сьыланкывъяс. Окота лои унджык та серти тõдмавны да, сетим Александрлы некымын юалõм.

- «Макар Васька - сиктса зон» пьесаысь кутшõм эпиграф лõсялõ?

- Ог вермы стõча шуны, сәни быд кыв колана, весиг междоумие.

- Лиза да Галя - тайõ тõлка нывъертъяс либõ уджысь эндõдысьяс, кодъяслõн юраныс сõмын тõв шутлялõ?

- Галя, Лиза да Вера - нывъертъяс. Найõ торъялõны, но нывъясõс õтувтõ чужанин радейтõм. Найõ пинясьõны, но бõр бурасьõны. Тайõ спектакль, кõни тыдалõ сиктса олõм.

- Лёк геройыс эм?

- Лёк образыс спектакльын абу. Тайõ õг комедия, и лёк геройыс сәни оз вермыны лоны. Ставõн миритчõны. Ставõн бурõсь.

- Мыйла колõ лоны бур геройõн? Мыйла оз позь лёктор вõчны?

- Колõ овны сõвесьт серти.

- Макар Васька - тайõ интернациональнõй либõ Коми герой?

- Йõз, кодъяс зильõны мукõдлы отсавны, паныдасьлõны быдлаын.

- «Макар Васька - сиктса зон» дорõ гижинныд реп да шылад?

- Юргõны тема серти композицияс да сьыланкыв. Текстыс корõ том йõзõс, мед найõ оз куритчыны да юны.

23-õд выль сезонын театр мõвпалõ петкõдлыны «Петербургысь инкогнито» («Ревизор»), «Дзугйын» («В путях») премьеры спектакляс. Торйõн нин шыбитчас синмад коми немечъяс йылысь Николай Волоховлõн пьеса серти «Жизнь с привилегиями «навечно»».

Арнас театр мõвпалõ ветлыны финн-йõгра войтырлõн «Майа-тул» войтыркостса фестиваль вылõ, кодõ овлõ быд во Мордовияын.

Миян корр.



Конкурсö юортлисны апрельын да сиисны Россияса биысь видзчысян службалён 365 во тырöмлы. Коми Республикаын Россияса МЧС-лөн медшöр управлениеё виччысьны вочакыв 11-15 арлыда 48 ныв-зон. Викторинаö пырöдчисны эз сöмын юркара ныв-зон, но и Печораысь, Сосногорск, Луздор, Кулöмдін, Изьва да Емдін районгьясысь.

Медводз коліс вочавидзны 20 юалöм вылö - Россияса да Коми Республикаса биысь видзчысян службалён история серти, кыдзи кутны асьтö сійö либö мöд виччысьтöм лöмтор дырйи. Коліс адзыны вочакыв и би кусöдысьлөн удж серти. Мöд юкöнын коліс тöдмавны юржуглантор.

Ныв-зон бура вочавидзисны уна пöлöс юалöм вылö. Унджык письмöын содтöма история, серпалöма медводдза пöжарнöй машина, Сыктывкараса пöжарнöй каланча, быг лэдзан медводдза огнегүшитель лöсьöдысьлысь портрет. Сьöкыдджык вöлі вочавидзны пöжарнöй охраланён история кузя.

Медся бура викторинаын став юалöм вылас вочавидзис да медводдза места шедöдіс Сыктывкарысь Анна Кузнецова, мöд места вичмис Луздор районса Леткаысь Анна Турковалы, а коймöдыс - Сыктывкарысь Игорь Тарачевлы. Колö пасйыны, мый колöм во Игорь вермыліс жö тайö викторинаас. Вермысьясöс чолöмалісны май 30 лунö биысь видзчысян службалён юркара велöдан шöринын.

Викторинасö котыртысьяс чайтöны, татшöм конкурсыс пö велöдö том йöзöс видзны асьнысö, колана ногөн вöдитчыны биён. Том йöз зумыдмöдöны тöдöмлуннысö, сюркнялöны пель саяныс, мый вöчны виччысьтöм лöмтор дырйи, а нöшта тöдмалöны Россияын пöжарнöй охраланысь артмöмсö.

Коми Республикаын Россияса МЧС-лөн медшöр управлениеёлөн юöр серти.

Коми Республикаын Россияса МЧС-лөн медшöр управлениеын кыекöрталісны «Что вы знаете о пожарной безопасности?» интернет-викторина.



ВИКТОРИНА

А мый тэ тöдан?



КОЛАНА УДЖ

Сыктыевкар бердса Алёшино местаын мунис «Звёздочки МЧС» гаж, кодос сиисны челядьос дорьян лунлы. Ворсөмө пырөдчис 140 томулов да челядь. Коми Республикаын Россия МЧС-лөн медшөр управление татшөм гажсө нуөдө 2008 восянь.

Артмис «Ёртасяна фонтан»

Ныв-зон юксисны 7 команда выло. Вожатойяс лосьбодисны ас командаислы девиз. Ныв-зонлы ковмис мунны 7 станция пыр. Челядь петкөдлісны енбиалунсө, пырөдчисны спортивнөй ворсөмө, а сідзжө унатор төдмавлісны.

«Пөжарнөй станцияын» челядь недыр кежлө лоины пөжарнөйясөн да «мездісны» йөзбс. Весиг медса ичөтгясыс эз бокин сулавны. Ставнысө мездісны, кусөдісны би. Би кусөдысыяс висьталісны челядьлы асланыс техника йылысь. Быд кага вермис пукыштны налөн машинаын. Челядь «төдмасисны» пөжарнөй машинаөн, кыз шуласны, гутсянь и бансянь.

«Интеллектуальная» станцияын коліс вочавидзны юалөмгяс выло. Челядь төдмалісны, кутшөм огнетушительяс овлөны, кор колө вөдитчыны сійө либө мөд сикасөн. Быдөнлы позис видлыны вөдитчыны наөн сюс видзөдлас улын.

Водзө виччысис «Самоделкино», көні челядь серпасасисны. Весиг бать-мам отсасисны быдтасгья-

сыслы. «Станция туризм» дасьтис челядьлы унатор. Ковмис мунны гез кузя, венны «чераньвез», кодос вөлөм пысалөмаось пуяс костө. Челядь велалісны вөчны гөрөдгяс да пестыны бишур.

«Спасатель» станцияын ныв-зон видзөдісны спасательяслысь уджалан инструментгяс вылын, кызди отсавны туй вылын доймалөм мортлы. «СПАС-КОМИ»-ын уджалысыяс новлөдлісны челядьос квадроциклөн.

Быдөн вермис ворсны футболөн, волейболөн, бадминтонөн «Спорт» станцияын, а «Пикник» кор ставнысө сөян-юан дорө.

Гаж выло воліс медшөр управлениеөн веськөдлысь Александр Князев да выло донгяліс гаж нуөдөмсө. Медбөрын сійө чукөртис став командасө да юасис, кажитчис-ө гажыс. Челядь вочавидзисны: «Да!».

Бөрын разөдісны шаргяс, а уна шарысь артмөдісны «ёртасяна фонтан».

Коми Республикаын Россия МЧС-лөн медшөр управлениелөн юөр серти



Воысь воё ылыстчö мянысь сійö кадыс, кор оліс да гижис нималана коми поэт-просветитель Иван Алексеевич Куратов, но тöдчанлуныс сылөн сьöкыд кадся оласног да творчество дорö оз чин да быр, а мöдарö - быдмö да сөвмö.

КОНКУРС

Иван Куратовлөн олём - ыджыд творческой подвиг

А мый ми, том войтыр, төдам медводдза коми поэт йылысь?

Иван Алексеевич Куратов - коми литературалы да гижöд кывлы подув пуктысь, просветитель, учёной-лингвист, вуджöдчысь, литература критик, фольклор чукöртысь да туялысь.

Пантелей Петро Олёш Иван чужлöма Вöлöгда губерниялөн Усть-Сысольск уездса Кебра сиктын (öни Коми Республикаса Сыктыв районлөн Куратов сикт) 1839 вося июль 18-öd лунö. Куратовлөн бать-мам чужтöмаöсь 9 ныв-пиöс, Иван медся ичöт. Олöмсь гöля, мукöд крестьяна моз жö видзöмаöсь гортса пемöсьясöс, вотлöмаöсь вотöс-тшак, вöдитöмаöсь видз-му, но ашöр нянь тырмывлöма сöмын бурджык воясö. Батьыс, Алексей Петрович, вöлöма Кебра вичкоса дякөнөн, прихожана костын пыдди пуктана мортөн, но виччысьтöг, зэв на томөн кувсьöма. Батьыс вöлöма зэв варов, йöзкöд лöсялысь да вежöра морт. Рыгыснас сиктса окотапырысь волывлöмаöсь сы дорö пукавны. Ёнджыкасö сёрнитöмаöсь видз-му вöдитöм да кыйсигьясөн быдсикас лоөмтор йывсьыс. Тайö кадсяныс и ичöтик сюсь детинка кутöма вылö пуктыны сиктса коми йöзöс да бöрынджык лöсьöдöма татшöм йöзлысь яръягыд образъяс («Синтöм пöльö», «Тима, дерт нин, пöрысь», «Закар ордын» да с.в.). Мамыс, Екатерина Ивановна Горинова, тайö жö сиктсьыс крестьянинлөн ныв, вöлöма зэв вына да төлка мортөн, ёна төждысьöма челядьсылөн велöдчöм вöсна, быдöнлы зильöма сетны образование.

Тайö вöлöма бур грамотаа семья: зонгьяс ставөн босьтöмаöсь духовной образование. Велöдчанінгьясыс сэки вöлöмаöсь гортсяныс ылынсь, та вöсна, 1850-öd воын, кор Иванлы тырöма дас öти



арöс, мамыс ачыс нуöдöма писö Яренскöдз велöдчыны. Эня-пия пегöмаöсь кузь туйö, вуджöмаöсь 400 верста вöлök кытi ямскöй вöлөн, а кытi и подөн.

Иван помалöма Яренкса да Усть-Сысольскса церковно-приходскöй училищяса, Вöлöгдаса духовной семинария. Став сьöкыдлун вылö видзöдтöг, велöдчöма бура, окотапырысь. Велöдчигөн омöлик паськөм вöсна ёна кынмавлöма, мустöмöсь вöлöмаöсь скөр велöдысьяс, да гортсьыс ёнакодь гажтöмтчывлöма. Тайö вöлöмаöсь сылөн тшыг нисьö пöt олан вояс, кодьяс йылысь бöрынджык сійö казтылö:

«Влаын швачöгчö март;

Муна ме, нарт,

Школаö көмтöг...

Лунтыр ми эг сёйö нур».

Иван Куратов кывбурьяссö тэчны босьтчöма 13 арöссиян, (Гугов ним улын), кор велöдчöма Яренкса училищясын. Гижлöма комиён «виршгьяс», поэмаяс, басняяс, кывбура драмаяс, мойдьяс, сыланкывьяс, лирика, философия, нюмсега, сатира кывбурьяс, элегияяс, олöмысь серпасьяс, коми крестьяналысь портретьяс,

притча нога гижöдьяс, посни висьгьяс, эпиграммаяс, миниатюраяс, кывбура шыöдчöмгьяс. Поэт корсьöма коми кывлы лöсялысь кывбур формаяс - тайö висьталö сылөн паськыд видзöдласьяс да ыджыд талант йылысь. Вочасөн кывийыс ёнмöма да мичаммöма, лоöма стöч, ярскöб.

Серпаса кывийыс И.Куратовлөн мелалö и төждысьö, дивитö и ёся сералö, радлö и шогсьö. Коми кывлы сиём кывбурьясын поэт дорйö чужан кывсö, петкөдлö сылысь мичсö, коланлунсö:

«...Тайö муса кылөн чой-вок сёрнитöны!

Тайö кылөн меным ай-мам бур сйöны!

Тайö кыв ме кывлі аслам люлю дiнын,

Сійö менам вунас сöмын гзёбанiнын!

Тайö кывлысь мичсö сьöлөмөн ме кылi -

И ме медводз сйөн ньöжйöника сьылi...»

Иван Алексеевич уна вын сетис челядьöс велöдöмлы да чужан кыв вылын литература лöсьöдöмлы. Сійö төждысис, медым школаясын и коми челядьöс велöдiсны



ас кывйон, та могысь сийо гижис коми кыв грамматика, вензис сэтшомъяскөд, кодыас кедзовтлісны коми кыв, лыддывлісны сийос ковтомторйон:

*«Коми кыв пö усьом улö,
Коми кыв пö кутшöм кыв!
Оз кө талун, аски кулö -
Бур морт комион оз сьыв...»*

Сийо эскис, мый велöдчöм кыпöдас коми йöзлысь ас-вежöртöм. Аслас гижöдьясын зіліс петкöдлыны уджалысь йöзос да налысь оломсö, көсйис восьтыны лыддысьысьялысь синсö олом вылö да индыны шудлань туй. Коми кывбур гижысьялсö чукаліс корсьны колана темаяс да лöсялана жанряс:

*Корсям сьыланкыв ашöрысь,
Ас му-ва вылысь, ас вöрысь.*

Уна кывбур сйöма зіль вежöра видз-му вöдитысь коми мортлы, петкöддöма сийос вежавидзысьöн, киподтуяөн.

*«Уджтöг ког оз ов,
Сылöн голыг лов»,-
Сідзи шуд мöдлы,
Сийö шуд эз тöдлы!»*

Коми крестьянинлөн олантуй тема лö зэв тöдчанаён И.Куратов поэзияын. Гижысьлөн кывбурьясын («Пöч», «Тима, дертнин, пöрысь», «Закар ордын», «Пöрысь морт» да мукöд) лирика герой топыда йитчöма коми йöзкөд. Поэт ошкө коми крестьянинлысь уджачлунсö, повтöмлунсö да ыджыд сьölöмсö сьöкыд лоөмторьясын.

«Пöрысь морт» кывбурён тöдмассьом бöрын нормыліс сьölöм. Лирика герой мөвпалö аслас пилөн да моньлөн сы дорö отношение йылысь: найö оз пыдди пуктыны пöрысь мортос; лöгалöны да скöралöны сы вылö. Пöрысь морт норасыны оз көсйи, медым не сьöктöдны пиыслысь курыд оломсö. И аддзö сөмын öти петан туй - виччысьны кулөм.

Босьтны кө «Закар ордын» кывбур, позö шуны, мый тайö коми крестьянинлы лöсьöдöм гимн. Кывбурлөн тöдчанлуныс сыын, мый крестьянин гөгөр-воодсьö кызди мулөн көзяин. Коми морт сьöкыд кадö оз вошты ассьыс меддона качествомсö - уджачлун, асьсö пыдди пуктöм, пытшкөсса мичлун, шмоньлун.

Иван Куратов гижлöма аддзанасö, а öни сы гижöд пыр ми видзöдам да тöдмалам сэкся олысьыслысь сьölöмкылöмсö, ловсö.

Поэтлөн кывйыс мича, озыр, стöча серпасалö петкöдланторсö. Гижöдьясыс корöны мөвпавны, донъявны оломсö гөгөрбок.

Усть-Сысольскын олігөн ассьыс чужан му кыпöдöмсö сийö йитöма крестьяналысь челядсьö велöдöмкөд. Поэт эскöма, мый комияслөн бурджык пияныс водзö нуöдасын сылысь бура велöдчöм йылысь мөвпсö: бурмөдасын да вылөджык кыпöдасын коми национальной культура.

«Öти бур оломын» сийö гижö:
*«Ичмонь кыкысь вöччö кө;
Питор мичаджык кор велöдчö;
Том бать батьджык,*

кодыр ноксьö пыр,

Кодыр артасьö да элöдчö...»

Челядсьö велöдöмкөд Куратов ачыс тшöтш велöдчöма: воывлөма коми сиктъясьö, мед пыдиджыка тöдмавны коми йöзлысь оломсö, чукортöма фольклор. Коставтöг лыддыöма «Современник», «Отечественные записки», «Русское слово» журналыас. Сылөн оласногыс да ёсь кывъя гижöдьясыс абу воöмаось сьölөм вылас карса начальстволы. Сийос кутöмаось кедзовтны. И.Куратовлы ковмöма энöвтны чужан му. Тайö вöлөма сылөн оломын медся мустöм да шудтöм кадөн: сийö торйöдöма гижысьос чужан муысь нэм кежлас:

«Тэ кыскин

*менсьым кокъяс улысь
Ас муос. Ылалі... Кыз кулысь
Ме эськө, мөд ногөн, эг ло
Ас войтырлы.*

Мун, мун, лөк во!»

1865 вося октябрö Иван Куратов мунöма Казаньö. Велöдчöма полкөвöй военной судейнöй чиновникъяс дасьтан школаын. Школасö помалöм бöрын индöмаось служба вылö Туркестанö. Сийö и йöз муын повтöг да падъявтöг зильöма сэтчос войтырлысь бурмөдыштны оломсö, вöчны морт ногаөн сэкся режим. Кыз юрист, сийö вöлөма демократөн, веськыдлун вöсна суалысьöн.

И.Куратовос зия уджалöмысь вöлі наградитöма кык орденөн: коймөд степеня Св.Станислав орденөн (школаын бура уджалöмысь) да коймөд степеня Св.Анна орденөн (тайö военной орденсö вöлі сетöны шпагаөн).

Аслас видзöдласъяс сертиыс И.Куратов вöлөма интернациона-

листөн. Вылö донъялöма роч да мукöд йöзлысь литературасö да культурасö. Вуджöдöма коми кыв вылö Крыловлысь, Пушкинлысь, Лермонтовлысь, Беранжелысь, Гейнелысь да мукöд гижысьяслысь кывбурьяс. Сийö бура тöдöма да аддзöма коми кывлысь пытшкөсса поэянлуныяссö, кыпöдöма чужан кыв дорö муслун. Но такöд тшöтш ассьыс гижöдьяссö озырмөдöма роч да мукöд сёрниысь пыртöм кывъясөн. Гижысь эскöма, мый коми войтырлөн культурайыс да художествова гижöдьясыс ловзясны да кутасын кыпавны-сöвмыны:

*«...Уна тöдысьясö
Найö шензьöдасын,
Тэнö, коми сьылан,
Ылө нимöдасын!»*



1875 воö И.А.Куратов сьöкыда висьмö да ноябрь 29-öd лунö кувсьö Верной (öни Алматы) карын, кытчö карса кладбищö вылö и дзебöны сийос ёртъясыс.

И.А.Куратовлөн олом - ыджыд творческой подвиг.

Öния кадö Куратовлысь ним кутöны сылөн чужан сиктыс, Сыктывкарын öти улица, музей, педколледж. Поэтлы юркарын сувтöдöма памятник.

**Светлана ШАХТАРОВА,
7 класс помалысь,
Усинск районса
Мутнöй Материк сикт.**

**Велöдысь:
Надежда Николаевна
ШАХТАРОВА.**

КОМИ КЫВ МЕН ДОНА

Төдöны-ö карса школаясын велöдчысьяс коми кыв? Пыдди пуктöны-ö сийöс, а мый вермасны висътавны коми войтырлөн традиция да культура йылысь? Вöлöмкö, төдöны! Да весиг коми войтырлөн оласног йылысь вермöны унатор висътавны.

Коми сиктъясö - зумыд төдöмлунла

А тыдовтчис-петкöдчис томурловлөн төдöмлуныс тавося апрель помын нуöдöм «Коми му кузя ме муна» 6 класса велöдчысьяс пöвстын ыджыд ворсöмын. Уджтас дасьтысь, Сыктывкар бердса Улыс Чов посёлокысь 11 номера школаын коми кыв велöдысь Ирина Алексеевна Чумакова, кужöма тай небось öтутвны юркарса көкъямыс школа да ышöдны найöс пырöдчыны ворсöмö.

Ворсöмын колöма сiдз шусяна виртуальнöя ветлöдлыны коми сиктъястi да төдмавны, вочавидзны сетöм юалöм-тшöктöмъяс вылö. «Сиктъясыс» дзик збыльвывса кодьöн вöлöмаöсь.

Вöлöмкö, 11-öd номера школаса ичöt классъясын костын ворсöм водзын нуöдöмаöсь «Коми сикт» конкурс. Колöма велöдчан

кабинетъясысь дасьтыны-вöчны коми грезд. Тайö ыджыд уджас босьтчöмаöсь и ныв-зон, и велöдысьяс, и мам-бать. Кодi серпасасьöма, кодö вундасьöма, кодi колана эмбур корсьöма да вайöма. Дыр нускөм-зильöм бöрын классъясысь артмöмаöсь коми сикт-грездъяс.

И со апрель помö Улыс Човса 11-öd номера школаын чукöрмылöма вель уна гöсьт - юркарса көкъямыс школаысь велöдысь-велöдчысьяс. Первой быд котырлы вичмöма маршрут серти ветлан кабала. Сöмын сы бöрти заводитчöма ворсöм. «Сиктъястi» ветлигөн томурлов зэв зiля да окотапырысь төдмавлöмаöсь тшöктöмъяс. Ворсöмыс мунöма вель кыпыда да гажаа. А ворсöм дасьтысь Ирина Алексеевна кутö лача,

мый и локтан воö артмас нöшта на гажаджыка нуöдны тайö конкурссö. Весиг юассьöмаöсь нин мукöд школасаяс, корджык пö лоö татшöм ворсöмыс нöшта öтчыд. Ирина Алексеевна став сьöлөмсянныс дасьтысьöма та кежлö, кольöм вося ноябрьсянн нин уджыс заводитчöма. Медшöр могыс ворсöмыслөн - ышöдны роч челядьöс велöдны да пыдди пуктыны коми кыв, төдчöдны налы, мыйла колö коми кывйыс, мыйла колö төдны ас войтырлысь традиция да культура. Чайтам, нывзон татшöм ворсöм бöрас нöшта на бурджыка кутасны велöдны коми кывтö, öд вермыны та ыджда конкурсад быдөн көсий.

А улынджык вöзъям лыддьыны гаж мунöм йылысь пасйöдгяс.



«Коми му кузя ме муна» ворсöмö челядь пырöдчылысьны дзик на медводдзаысь. Ставыс налы вöли выльторйөн. Көкъямыс школаысь конкурссö быд пырöдчысь кылис асьсö коланаөн, ёна кывкутiс да көсийс лоны вермысьөн. Ворсiгтыр пыр лыддiсны-арталiсны чукöрмöм балляс, öткодялысьны найöс мукöд котыр-сакöд, зiлысьны лоны нöшта на бурджыкөн.

«Сикт-станциястi» ветлыны ёна кажитчис ныв-зонлы, öд быд сикт вöли збыльвывса кодьöн: став сьöлөмсянныс дасьтысьöмаöсь! Ыджыд атгö колö висътавны татшöм төдчана да колана ворсöм дасьтысьлы, коми кыв велöдысь Ирина Алексеевна Чумаковалы.

Лидия Афанасьевна ПЕТЕЛИНА,

11-öd номера школаын суйöрсайса кывъяс велöдысь

Тавося апрель помын миян 11-öd номера школаын мунис «Коми му кузя ме муна» ворсөм, кытчö пырöдчылисны юркарса 7-öd, 12-öd, 11-öd, 38-öd, 21-öd, 16-öd, 15-öd номерьяса школаясысь да коми национальной гимназиясь велöдчысысь.

Маршрута кабала разöдöм бöрын ныв-зон весь-кавлісны «Кывкуд грездö». Тані коліс нель минутöн уськöдны тöд выlö да гижны кызд позьö унджык кыв «коми кыв» кывтэчасысь. Посниулов бура уджалісны, вель уна коми кыв гижисны. Ворсөм помасьöм бöрын котырö пырöдчысысь петкöдчисны сцена вывсянь комиöн сылом-йöктöмön да сценкаясөн. Жюриöн ворсөм донъялігкості нуöдысысь разöдісны уна рöма дзоридзясь, быдöнлы коліс бöрийыны рöмсö настроение сертиысь. Медбöрын артмис медся мича рöмьяса дзоридзясысь эрд. Сідзкö, ворсөмысь ставныслы воис сьölмас.

Миянлы зэв ёна кажитчисны «коми сиктъясь» - сэтшöм бура найöс дасьтöмаöсь ичöt класса велöдчысь-велöдысысь да мам-бать. Татшöмсяма ворсөмъяссö колö нуöдны быд во.

**Яна КУЛИНИЧ
да Вера ШЕСТАКОВА,
9 класс помалысысь**



Ме окотапырысь пырöдчылі тайö ворсөмас. Уси шуд эз сöмын отсавны дасьтыны классын «Коми сикт», но и лоны нуöдысьöн «Шылада грездын». Тані ворсөмö пырöдчысысь коліс тöдмавлыны, мый йылысь сывсыö коми сыланкывйын. Ставнысь сьölмсянысь тöдмавлісны сыланкывьясь.

Татшöмсяма ворсөм пыр ми сы мында выльтор тöдмалам Коми му йылысь да нöшта на ёнджыка окота лöв велöдны коми кыв.

**Юлия ТАРНОВСКАЯ,
3 «а» класс помалысь**



Меным зэв ёна сьölöм выlö воис тайö конкурс-ворсөмысь. Медъяна кажитчис командаяслön «приветствие» да медбöръя сикт - «Енбиа челядь». Тайö станцияс ныв-зон сылысны-йöктісны да сценка петкöдісны. Ворсөмысь вöлі зэв кыпыд, ставныслön вöлі бур да гажа настроение.

**Лага НОСКОВА,
4 класс помалысь**



Ми, Коми национальной гимназиясь 6 «а» класс помалысысь: Катя Сердитова, Катя Грабежова, Вика Бабошина, Вика Макарова, Полина Ловен-Лович да Ваня Трофимов, ветлім 11-öd номера школаö петкöдлыны коми кывйысь тöдöмлуннымöс. Татшöм уджтасас ми пырöдчылім медводдзаясь на, ёна и полім. Улысь Човса школаын вöлі ёна дасьтысьмаöсь, мичмöдöмаöсь классьясь, öшлöмаöсь шаръясь. Командаясь бура петкöдісны асьнысь конкурсъясын. Конкурс нуöдысь ставнымöс пыр ышöдіс - быд удж ми вöчим öдйö. И миян команда лои вермысьöн - ми сэтшöм радöсь вöлім!

Кык Катя, кык Вика да Полина



Тайö ворсөм кежлас ми заводитім дасьтысьны во заводитчöмсянь нин. Ичöt класса посниулов дасьтісны «Коми сиктъясь», гырысь класса чукöрталісны юалöм-тшöктöмьясь, велöдісны выль коми кывьясь, нöдкывьясь, корсисны костюмьясь.

Конкурс кежлö дасьтылісны öкмысь грезд. Быдын вöліны нуöдысысь: челядь, велöдысысь да мам-бать.

Ми нуöдім краеведение кузя тест «Важгорт грездын». Став командаысь кокныда тöдмавлісны вочакывьясь. Тайö ворсөм отсöгөн уна выльтор тöдмалім, ставнысь вöліны кыпыд сьölöмаöсь. Ми чайгам, мый локтан велöдчан воö нöшта на унджык команда пырöдчылас тайö ворсөмас.

**Юлия МОХНАТКИНА
да Ксения МОТОРИНА,
8 класс помалысысь**

Дасьтіс Галина МАКАРОВА.



**Дашук
ВЕЛОДО**

Дасьтам

Трөича кежлө пызан



Капустаа салат

Колө: 500 г капуста, 1 ичөт пань яблөка укус, 3 ыджыд пань посньөдлөм грецкөй өрек, 200 г майонез, сов.

Шырны капуста, содтыны укус, солавны да не-уна небзьөдыштны. Содтыны грецкөй өрек да гудравны майонезөн.



Чипаньсь рулет

Колө: 1 ыджыд курөг, 4 картопель, 1 лук, 1 чипан кольк, сов да переч.

Торйөдны чипан яйсө лыясысь. Яйсө вартышталомөн небзьөдны, а лыясысь пуны бульон. Дасьтыны фарш: лэдзны мясорубка пыр пуөм картопель да лук, гудравны, содтыны чипан кольк, сов, переч да нөшта ставсө гудравны.

Пуктыны фаршсө дасьтөм чипан яй вылө, гартны рулетө, көртавны көвйөн да суйны пузьөм бульонө. Пуны 30 минут. Дась чипансө көдзөдны, көвсө разыны да вундавны торъяс вылө.

Чөскыд чери

Колө: 500 г чери, 3 чеснок тор, 1 ыджыд пань кориандр, 6 ыджыд пань көнтусь вый, 1 лимон сок, переч, сов.

Черисө кисьявны лимон сокөн да кольны 30 минут кежлө. Шонтыны 3 ыджыд пань вый, жаритны сы пытшкын чеснок зарни рөмөдз. Отпырийө шонтыны кольөм выйсө ыджыд латкаын да жаритны сы пытшкын черисө 5-7 минут. Дась черисө пуктыны тасьтё, содтыны чеснока соус да нырөм кориандр.



Блина пирөг

Блин вылө колө: стөкан гжын пызь, йөввыв (сливки) да мөс вый, стөканлөн коймөд пай сахар, 1 лимонлөн кыш, 4 чипан кольклөн вижыс.

Соус вылө: 1 лимонлөн сок, стөканлөн мөдгө пайыс фруктөвөй сок, стөканлөн нельөд пайыс сахар.

Бура гудравны пызь, чипан колькысь виж, сывдөм мөс вый, стөканлөн коймөд пай сахар да 1 лимонлөн кыш. Жаритны блин.

Блинъяссө тэчны өта-мөд вылас, быд слөй мавтны соусөн. Медвылас мавтны кеньбөдз гудралөм чипан колькысь еджыдсө, кыгчө содтөма стөканлөн нельөд пай сахар. Пуктыны пөжассө духовкаө некымын минут кежлө.

Соус дасьтөм: гудравны лимон да фруктөвөй сок сахарөн.



Вежа Трöича лун мöd ногөн - Пятидесятница - пасйöны Ыджыд лун бöрын 50-öd лунö. Таысь и нимыс артмöма. Тайö кадö дзикöдз ловзьö вөр-ва, кузь төв бöрын пансьö выль олём.

Трöичасянь Успенньöдз оз хоровадасьны

Трöича лункöд йитчöма уна примета:

- Вайлісны вичкоö ве-жödём вылö «бöрдан» турун, а сэсся нулісны гортö да дзеблісны рама либö öбраз сайö. Турун вылын бöрдісны, öд синва - тайö зэр. Сідзкö, туруныс петкöдлö зэр, йöзыс корисны вөр-валысь, Енлысь бур зэра гожом, медем муыс эз косьмы да лой бур урожай.

- Эз позь Трöича лунö уджавны видз вылын, гортын, но позис дасьтыны сёян. Купайтчыны эз жö позь, öд тайö кадö васа ныв (русалка) вермис пöрйöдлөмөн кыскыны ваö.

- Олöма нывбабаяс ветлісны шойна вылö да кыз вожъясөн чышкисны гуяс, медем мынгöдчыны лёк вынъясысь. Эскисны, мый кулöмаяс пö та дырйи нимкодясьöны да отсалöны сиктсалы быдторйын.

- Трöича лунö кө корасьны, а Пöкрöв дырйи ворсны көлысь - гозъялөн олöмыс лоö шуда, пондасны отсавны öта-мöдыслы, ёна радейтны.

- Трöича бöрын мöd лун - Дух лун, мулөн нимлун. Сэк оз позь вөрöдны му, уджавны.

- Трöича лунö кө зэрö - тшака во лоö, шоньд поводдя.

- Трöича лунö кө вайём кыз пу куим лун мысти эз на косьмы, виччысь зэра турун пунктöм.

- Трöичасянь Успенньöдз оз хоровадасьны.



«Коми йöзöдчан керка»
Коми Республикаса
автономной учреждение.

Вескöдпысьлысь
удж вöчысь
Е.В.ПЛЕТЦЕР
Гл.редактор
Г.В.МАКАРОВА

Газет паньсы:
Печать да юр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юр сетом да
культураса озырлун видзöм
кузя оланпасьяс
збыльмöдöм бöрся
видзöдысь федеральной
службалөн Беломорской
управлениеын.

Регистрируйтан пас:
ПИ №ФС 3-0686.
Социальной тöдчанлуна
гижöдъясысь йöзöдöма «Коми
йöзöдчан керка» автономной
учреждениеы печать да юр
сетан КР-са агентствöн
вичмöдöм сьöм вылö.

Редакциялөн адрес:
167982, Сыктывкар,
К.Маркс улича,
229-öd керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru


Редакцияын
уджалысьяс:
том йöзлөн мытшöдъяс
юкөнön вескöдлысь –
Надежда Пунегова;
письмö юкөнön
вескöдлысь –
Екатерина Микушева.

Медводдза лист бокас
снимокыс
Ирина
Чумаковалөн.

Авторъяслөн мөвпьяс оз
пыр лöсявны редакциялөн
видзöдласкöд.

Тираж – 568.
Гижöдчан индекс – 52099.
«Йöлгa» газет петö
1991-öd восянь
вежоннас öтчыд, комиөн.

Печатьö кырымалан кад:
график серти – июнь
тöлысьлөн 4-öd лунö
16 часын; кырымалöма
печатьö 16 часын.
Газет печатайтöма
«Коми республиканской
типография» ООО-ын дась
оригинал-макетъясысь.
167610, Сыктывкар,
В.Савин улича, 81
Заказ №



Чолөм, «Йөлөгә» газет редакция! Пыр окотапырысь лыддя тияныльсь газет-нышө. Зэв бур, мый мича коми кывйөн гижанныг томуровлы он сөмын вельторьяс, но и йөзөданныг прөст кадө лыддяг статьяяс. «Мастер-класс» рубрика отсөгөн вель унатор нин вөчим. Миян гортын өтүввейыг абу, да и гона роч журналъяс огө вермой сугзөдны. А тиян газет ёна отсалө быдсямторсө вөчны да мөвпыштны. Со и та пөрийө шыөдгача ыджыг корөмөн: йөзөдөй, пөжалуйста, мыйджык позьө вөчны куш пластик дозмукьясысь. Окота мичмөдны керка йөрөс, мам да бать көсийсны жө отсавны, сөмын пө петкөдлы серпасьяс. Кута лача, мый «Йөлөгә» воас отсөг вьлө.

Став бурсө да унджык лыддысысь сиймөн,
Ольга Захарова.
Кулөмгін район.

«Йөлөгә», дерт жө, оз бокө коль татшөм письмөястө. Окотапырысь йөзөдам вөзиймьяс, кыдзи мичмөдны куш пластик дозмукысь керка йөр.

Куш дозмукысь - енгаг



Пластик дозьясысь позьө мичмөдны оз сөмын дзоридзяса клумба, но и морков-лук быдтан град. Видзөддөй, кыдзи «нюмгялө» йөрыс уна рөмөн краситөм дозмукьясысь вөчөм серьясөн. Сөмын кольө краситны, тыртны бутылкасө ваөн да увлань юөрөн сатшкавны град бөрөздаө.

Куш бутылкаясось позьө вөчны со татшөм енгагөс (божъя коровкаөс). Медводз колө муйсь вөчны мыльк, дорьясас тэчны изьяс. Сэсся ва тыра дозмук сатшкавны муө. Медбөрын краситны съөд да гөрд рөмө, а синсө мавтны еджыдөн либө мөд пөлөс рөмөн.



Вөзьям дасьтыны пластмас паньысь да пуртысь со кутшөм мича серпас. Дерт, позьө аслыд мөвпыштны кутшөмкө дзоридз. Кольө сөмын «садьмөдны» енбитө да неуна уджыштны - сатшкавны муө пластмас пань да пурт.



Мичмөдасны йөртө со татшөм катшасиньяс. Та могысь колө дозмукысь вундавны дзоридз сырьяс (лепестокьяс), краситны еджыдөн да ыджыд степлер отсөгөн йитлыны найөс. А медбөрын пысавны дозмук пыдөс.

Пластик дозмукысь позьө вель унатор вөчны, сөмын колө неуна терпенньө да йөртө мичмөдны ыджыд көсийөм - сэки ставыс артмас.